

Bangkit

Nurhadlyna Bte Md Aidil (3/3)
Sekolah Menengah Outram
Soalan 1

“Mahkamah telah menjatuhkan hukuman lima tahun ke atas kesalahan kamu.”
Hentakan penukul kayu di meja, memecahkan kesunyian di ruangan mahkamah.

“Astraghfirullah!” tercungak-cungak Firman sambil menahan dadanya.
Badannya terketar-ketar sambil lemas dibasahi peluh.

Firman, yang usianya dua puluh tiga tahun, telah tersesat di pangkal yang salah dalam kehidupan walaupun telah dibesarkan dalam keluarga warak dan dikelilingi orang-orang yang penyayang. Dia seseorang yang beriman dan anak yang soleh terhadap ibu dan ayahnya.

Semuanya bertukar apabila imam keluarganya, Encik Samad, meninggal dunia akibat serangan jantung. Hidupnya tidak sama seperti dahulu. Senyumannya bukan bererti bahagia. Kadang-kadang ukiran senyuman itu hanya sampul untuk menutupi lukanya.

Firman menjadi seseorang yang panas baran dan tidak mendengar kata-kata ibunya. Ibunya sibuk berkerja untuk mencari rezeki untuk kelima-lima anak-anaknya. Disebabkan terlalu terkejar-kejarkan mencari nafkah keluarga, ibunya tidak ada di sisinya seperti ibu-ibu yang lain.

Sudah lima tahun Firman di belakang pagar penjara yang kecil dan sempit itu. Apabila Firman menjejak langkahnya yang pertama di luar, udara yang sudah lama tidak dihidu dan kebebasan yang bakal dia kecap, memuaskan hatinya.

“Man, kau harus mencari ibu dan adik-adik kau yang lain,” detik hati Firman.

Apabila tiba di hadapan rumah yang sudah lama tidak dilihat itu, hatinya menjadi sejuk. Firman mengetuk pintu dengan hati penuh harapan. Pintu yang diketuk itu mula dibuka oleh wajah seorang wanita yang membuat matanya mula berair.

“Ibu!” Firman terus mencium tangannya sambil menangis penuh dengan kepiluan.

“Kau tiada hak untuk memanggil aku ibu!” teriak wanita tua yang berkerut dahinya, sambil menarik tangannya daripada sentuhan Firman.

Matanya terbeliak besar seolah-olah segala kelembutan ibunya yang dahulunya ada kini sudah tiada. Pintu itu dihempas dengan kuat. Firman rebah ke lantai dengan hati yang berat. Dia memutuskan untuk meninggalkan tempat itu.

Firman tidak dapat melupakan pengalaman itu. Barulah dia sedar kehidupannya dipenuhi dosa dan dia ingin menembus semua dosanya itu.

Sebulan telah berlalu dan Firman menjadi penat mencari kerja. Firman mula untuk berputus asa. Dia mengangkat telapak tangannya dan mula berdoa berkumatakamit, membisik luahan hatinya kepada Ar Rahman.

“Ya Allah, mudahkanlah ujianmu. Aku tidak kuat untuk melalui semua ini.” Terasa seolah-olah doanya bakal dimakbulkan ketika suara azan yang merdu kedengaran.

“Eh, dah Asar! Ada masjid di sini?” Dia menuju ke masjid itu dengan berpandukan alunan azan. Hatinya menjadi ringan mendengar laungan azan yang merdu itu.

“Assalamualaikum warahmatullah.” Firman menoleh mukanya untuk mengakhirkkan solatnya. Dia berdiri dan menyimpan sejadah yang dia pinjam ketika solat tadi.

Pandangan Firman tertarik dengan sekeping kertas yang tertampal pada tembok masjid. “Nampaknya masjid ini memerlukan kakitangan baru,” bisik Firman. Tidak disangka kehadiran Firman disambut baik dengan pak imam masjid itu.

“Aku tidak berhak untuk menyentuh buku suci, Al-Quran. Aku tidak mampu untuk menyebut walaupun satu perkataan,” air matanya jatuh ke pipinya.

Bahunya disentuh oleh Imam Ali, Imam yang kini dianggap seperti ayahnya. Kata-katanya yang kuat, memberi inspirasi.

“Man, hidup ini, memang satu ujian untuk akhirat nanti. Aku pasti, walaupun engkau rasa seperti tiada orang yang peduli tentang engkau, Allah selalu akan melindungi kau sampai nafas terakhir kau, Insya Allah.” Kata-katanya membawanya ke mana dia berada sekarang. Dengan bersarban putih, Firman sendiri menjadi seorang

ustaz yang menolong bekas banduan yang menghadapi apa yang telah dia lalui. Selagi ada nyawa dikandung badan, selagi itu dia akan bangkit demiNya.